



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 7. Beatus Odoricus Forojuliensis.

---

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

Sæcul. XIV. bitarum. Per eundem Thomam Anti-  
A. C. 1330. stitem Seniscantinum, ac per Jordanum  
 Columbi in insula Ceilania Episcopum  
 mittebat Pallium Joanni Corcio itidem  
 Dominicano, cui recens contulerat archie-  
 piscopatam Sultaniæ, & cujus Suffra-  
 ganei erant hi duo Præsules. Litteras  
 dabat 14 Febr.

¶ 55.

At non profecti sunt tam cito: quia  
 per aliam epistolam 8 Aprilis scriptam  
 urbis Columbi Christianis (Nascarini no-  
 minabantur) commendabat eundem Jor-  
 danum Catulanum Fratrem Prædicato-  
 rem, quem proxime, ait, fecimus Episco-  
 pum, & ad vos mittimus cum Religiosis  
 ejusdem Ordinis, atque cum Fratribus  
 Minoribus. Papa his cunctis in missio-  
 nibus, quod notatu dignum, mittebat E-  
 piscopos, quos ea tantum de causa con-  
 secrari jusserat, probe gnarus Ecclesiam  
 sine Episcopo haud posse stare aliquam.

§. VII.

*Beatus Odoricus Forojulienfis.*

Hos inter Evangelii præcones ex Ordi-  
 ne Minorum haud omittendus est  
 Beatus Odoricus Forojulienfis, forsan  
 maximus omnium peregrinator. Natus  
 in loco, qui Portus Naonis dicitur, pri-  
 ma in adolescentia nomen Ordini Mino-  
 rum

*Boll. 14.  
 Jan. to. I.  
 p. 983.*

rum dedit: ubi corporis afflictationibus <sup>Sæcul. XIV.</sup>  
ac demissione animi excellens officia, ad <sup>A.C. 1330.</sup>  
quæ electus erat, recusabat. Sub an-  
num 1314 Deo animas jungendi deside-  
rio stimulatus permissu Præsidium suo-  
rum ethnicos adire statuit: & postquam  
se mari nigro commiserat, Trapezuntem  
advenit. Tum Armeniam Majorem, Tau-  
resium, Sultanium petiit æstivam sedem <sup>Sup. lib. 93.</sup>  
<sup>§. 28.</sup>

Imperatoris Persarum sive Mogolum.  
Postea in Indiam & Ormusium delatus  
conscensa navi per Oceanum venit ad o-  
ram maritimam Malabariæ, ad promon-  
torium Comorinum, ad insulas Javam &  
Ceilaniam. Demum penetravit in Chi-  
nam & Tibetum: ubi per Fratres sui Or-  
dinis fuisse pulsos dæmones, ac multos  
falsorum Numinum cultores ad Christum  
adductos ait. Non refert distincte se i-  
psum tam felicem sumpsisse operam:  
quanquam illi, qui scripserunt vitam ejus,  
generatim dicunt eum supra viginti mil-  
lia ethnicorum vitalibus aquis abluisse.

Post sexdecim annos itinerum anno  
1330 in Italiam reversus Pisas se contu-  
lit, ut incenso navigio Avenionem veni-  
ret, descripto statu Orientis petiturus a  
Papapro Tartaris Viros Apostolicos, nem-  
pe quinquaginta Fratres Minores va-  
riis e provinciis, qui proficisci cum ipso  
vellent. Sed Pisis agentem adorta mor-  
bi vis in agrum Forojuliensem natalis

Sæcul. XIV. A.C. 1330. coeli gratia redire coëgit, & Utini consumpsit 14 Jan. 1331. Tribuuntur ei vivo & mortuo multa miracula: & in patriarchatu Aquilejensi tanquam Sanctus colitur.

## §. VIII.

*Nicolaus Liranus.*

*Vad. 1290. n. 50. & Script. p. 265.*

Inter celeberrimos Doctores ex Ordine S. Francisci tum temporis erat Nicolaus Liranus sic dictus ob patriam suam Normanniæ oppidum ad amnem Rife- lam, Ebroicas inter & Sagium. Parentibus Judæis ortus Rabinis operam dare coeperat: sed Christo adjunctus Fratrum Minorum vestem induit in cœnobio Vernolino sub annum 1292. Post aliquot annos delatus Lutetiam, & ibi Theologiæ Doctoribus annumeratus sacras litteras in grandiore sui Ordinis monasterio diu explicavit. Lingua Hebraica, quam teneris ab unguiculis didicerat, & Rabinorum lectio magnum ei adjumentum ferebant ad intelligendum divini codicis sensum litterarium nimis neglectum eo tempore: quanquam sit fundamentum omnium reliquorum sensuum mysticorum & moralium: ut ipse notat.

*Prolog. 2. in pestil.*

Itaque